




Broj: 05-50-1-2643/16  
Sarajevo, 3.11.2016. godine

PARLAMENTARNA SKUPŠTINA BiH

- Zastupnički dom -

SARAJEVO

 BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 03. 11. 2016			
Organizaciona jedinica	Klasifikaciona oznaka	Način dostave	Broj prijava
01-60-1-13	-35	16	

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 79. sjednici održanoj 3.11.2016. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U privitku proslijeđujemo Odgovor radi njegovog dostavljanja zastupniku.

S poštovanjem,

  
GENERALNI TAJNIK  
Zvonimir Kaliterna



Bosnia and Herzegovina  
COUNCIL OF MINISTERS

Broj: 05-50-1-2643/16

Sarajevo, 3.11.2016. godine

Senad Šepić, poslanik u Predstavničkom domu Parlamentarne skupštine Bosne i Hercegovine, postavio je 30.8.2016. godine, sljedeće poslaničko pitanje:

„U kojoj je fazi utvrđivanje teksta Zakona o sprečavanju govora mržnje u BiH?“

Na postavljeno pitanje, Vijeće ministara Bosne i Hercegovine je na ~~3.11.2016.~~ <sup>72.</sup> sjednici održanoj -----  
3.11.2016. godine, utvrdilo sljedeći:

ODGOVOR

Vijeće ministara Bosne i Hercegovine zaključkom broj 05-07-1-1651-21/15 od 01.07.2015. godine zadužilo je Ministarstvo za ljudska prava i izbjeglice Bosne i Hercegovine da na inicijativu poslanika Predstavničkog doma, Denisa Bećirovića, izradi prijedlog Zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini.

U skladu sa članom 12. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/99, 113/09 i 6/13), Ministarstvo za ljudska prava i izbjeglice Bosne i Hercegovine zaduženo je za koordiniranje aktivnosti na izradi prijedloga ovog zakona što je i predviđeno kao programska aktivnost za 2016.godinu sa rokom izvršenja zadatka: septembar 2016.godine.

U cilju ispunjenja postavljenog zadatka Ministarstvo za ljudska prava i izbjeglice Bosne i Hercegovine je sačinilo i nadležnim institucijama uputilo dopis broj 01-2-34-1740-1/15 od 24.07.2015.godine u kojem je zatraženo da Ministarstvu za ljudska prava i izbjeglice Bosne i Hercegovine, najkasnije do 10.08.2015.godine, dostave nominacije po jednog predstavnika i eksperta i njegovog zamjenskog člana, kompetentnog za davanje prijedloga ili donošenje odluka u okviru mandata Radne grupe za izradu prijedloga Zakona o zabrani izazivanja i širenja nacionalne, rasne, vjerske i drugih oblika mržnje u Bosni i Hercegovini.

U vezi sa navedenim dopisom Ministarstvu za ljudska prava i izbjeglice Bosne i Hercegovine dostavljene su nominacije od strane svih institucija kojima je i upućen, nakon čega je Vijeće ministara BiH donijelo Odluku o formiranju Radne grupe za izradu prijedloga zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini koju sačinjavaju član i predsjedavajući radne grupe ispred Ministarstva za ljudska prava i izbjeglice Bosne i Hercegovine, te članovi radne grupe imenovani ispred sljedećih institucija: Zajednička komisije za ljudska prava, Predstavnički dom Parlamentarne skupštine Bosne i Hercegovine, Ministarstvo sigurnosti Bosne i Hercegovine, Ministarstvo pravde Bosne i Hercegovine, Regulatorna agencija za komunikacije Bosne i Hercegovine, Visoko sudske i tužilačko vijeće Bosne i Hercegovine, Direkcija za evropske integracije, Federalno ministarstvo pravde, Ministarstvo pravde Republike Srpske, Vlada Brčko distrikta Bosne i Hercegovine i Medureligijsko vijeće Bosne i Hercegovine.

Na prvom sastanku Radne grupe koji je održanom 30.08.2016.godine u Zgrade prijateljstva između Grčke i BiH prisustvovali su svi imenovani članovi ili njihovi zamjenici kao i predstavnici NVO - Sarajevski otvoreni centar.

Radna grupa je na prvom radnom sastanku analizirala osnove za donošenja navedenog zakona primjenjujući historijski pristup i komparativnu analizu kako slijedi:

Zabrana izazivanje nacionalne, rasne ili vjerske mržnje ili netrpeljivosti je propisana važećim zakonskim propisima, kako na nivou BiH tako i na nivou entiteta i Brčko distrikta BiH.

Komparativnom analizom zakonodavstva u Evropi i regionu može se zaključiti da je regulisanje zabrane izazivanja nacionalne, rasne ili vjerske mržnje i netrpeljivosti uređeno odredbama krivičnog zakonodavstva, a ne kroz "lex specialis" zakon.

Krivično zakonodavstvo u Bosni i Hercegovini normira krivično djelo zabrane izazivanja nacionalne, rasne ili vjerske mržnje, netrpeljivosti i razdora i to članom 145(a) Krivičnog zakona Bosne i Hercegovine, članom 390 Krivičnog zakona Republike Srpske, članom 160 Krivičnog zakona Federacije Bosne i Hercegovine i članom 163. Krivičnog zakona Brčko distrikta BiH.

Uzimajući u obzir činjenicu da su djela zabrane izazivanja i širenja nacionalne, rasne ili vjerske mržnje, netrpeljivosti ili razdora već propisana postojećim krivičnim zakonima na svim nivoima u Bosni i Hercegovini, određeni broj članova Radne grupe je mišljenja da se potpuna implementacija naprijed navedenih preporuka može postići unaprijednjem postojećih krivičnih zakona u Bosni i Hercegovini i da treba uzeti u obzir ove razloga i ocijeniti potrebu donošenja posebnog zakon kojim bi se propisala zabrana izazivanja i širenja nacionalne, rasne ili vjerske mržnje, netrpeljivosti ili razdora s obzirom da je ova materija već propisana važećim krivičnim zakonima.

Naime, inkriminacije koje bi sadržao predmetni prijedlog zakona prema oblastima na koje se odnose i vrijednostima koje štite, predstavljaju materiju krivičnog zakonodavstva, a s obzirom na slična rješenja u regiji treba dodatno razmotriti i utvrditi potrebu donošenja posebnog "lex specialis" zakona.

Na ovom stanku donesen je zaključak da svi relevantni predstavnici ispred institucija u ime kojih su imenovani dostave Ministarstvu za ljudska prava i izbjeglice BiH izjašnjenje vezano za izradu ovog "lex specialis" zakona, kako bi na osnovu svih stavova i analize postojećeg pravnog okvira i regionalnih iskustava bila urađena Informacija za Vijeće Ministara BiH o potrebi donošenja ovog zakona ili eventualnih izmjena i dopuna važećih krivičnih zakona. Trenutno je u toku prikupljanje izjašnjenja, po osnovu čega će biti sačinjena informacija, te biti predložen dalji način rada u vezi ove poslaničke inicijative.